

Ban busca Kavel pa Carnaval 40

E aña aki lo no por pidi pa mas cu 3 kavel

Tur persona mayor di edad (21 aña pariba) por haci un peticion na Minister pa bin na remarque pa haya un kavel pa pone trailer, stellage of auto banda di caminda riba e ruta di Carnaval.

Cada peticion ta costa Fls. 4.-- segun e Zegelverordening 1908, art. 34.

Cada persona por haci solamente un peticion. Na momento di haci e peticion e persona mester por identificar su mes solamente cu un cédula, rijbewijs of paspoort.

Cada persona mester acudí personalmente na Domeinbeheer pa haci su peticion. Esey kier men cu bo no por manda un otro persona pa haci un peticion pa bo.

Prijs di kavel ta:

1 kavel Fls. 75.--

2 kavel Fls. 250.--

3 kavel Fls. 500.--

Personanan cu ta bin na remarque pa haya kavel (s) max 3 kavel, dor di loting na Tele Aruba, tin cu acudí na Domeinbeheer pa scohe nan kavel(s). E scohemento di kavel(s) lo bai segun bo number wordo sacá for di e tombola na Tele Aruba.

Si den e caso aki e persona cu a bin na remarque pa scohe kavel(s) mes no por bin haci esaki riba e dia stipulá e por manda un otro persona pa representé.

E persona cu ta bin

representa un otro den e caso aki, mester bin cu su propio identificacion y mester proba claramente cu e ta encargá pa representá un otro persona mediante un carta firmá di e persona cu a bin na remarque pa un kavel y e mesun identificacion cu e persona concerní a bin haci su peticion cuné. Den total tin 315 kavel disponibel.


Pa bin na remarque pa un kavel pa vende cuminda y bebida, un persona mester haci un peticion na Minister. E peticion aki lo tin e mesun procedura cu e peticion ariba mencioná.

E persona cu bin na remarque pa haya un kavel pa vende cuminda y bebida mester pidi un "Buffet-vergunning" na Centraal Bureau Juridische en Algemene Zaken. Tin 7 kavel(s) disponibel pa venta di cuminda y bebida.

Den caso cu un persona a haya un kavel y no a haci uso di esaki un siman promé cu e parada grandi di Carnaval, e kavel aki por wordo duná na un otro persona cu ta aparecé riba e lista di espera na Domeinbeheer.

E cayanan cu lo ta bai tin kavel disponibel ta Vondellaan, L.G. Smith Blvd. y Weststraat.

Riba e otro cayanan di e ruta di Carnaval cu no tin kavel, por pone trailer, stel-



Esaki ta un di e tantísimo roadpiece cu Coastal Carnival Club ta bin cuné, cu ta representá e diferente temanan di Calypso y Roadmarch.

lage, auto etc. sin cu mester paga pa esey, pero semper teniendo en cuenta cu e reglanan di trafico y otro condicionnan.

Pa dia Domeinbeheer lo entregá 60 vergunning cual lo wordo entregá na e forma aki:

Promé dia number 1 te cu 30 parti

di mainta number 31 te cu 60 parti atardi

Segundo dia: number 61 te cu number 90 parti mainta number 91 te cu number 120 parti atardi etc. etc.

Mescos cu aña pasá DOW lo percurá pa tentnan wordo instalá den e ruta na Vondellaan y L.G. Smith Blvd pa facilitá e personanan cu no tin trailer y ta desea di haci uso di esakinan. No ta existí ningun clase di reservacion, esun cu yega promé ta stacioná su mes bao di e tentnan.

Tambe lo tin 7 toilet trailers instalá den e ruta di Carnaval pa facilitá e público.

Tumberito ta 23 di January ya caba tin 15 participante cual 8 ta Hubenil y 7 Infantil, si tin mas cu kier inscribí lo tuma solamente esnan pa Infantil e weekend aki ta último weekend pa inscribí, na tur

esnan cu ta participá pa trece tur areglo na tempo y tene tur cos clá ya cu otro siman lo tin reunion.

Tricel
Ultra Concentrated

Whole Sale & Distributors
H.M. CROES & SONS
Wilhelminastr 53 Tel. 21031

Pa kita sed y cansancio...

Ananassaft
Pineapple Juice
Unisales
Corporation Inc.
Tel. 25644/ 23821

PROFESSIONAL PEST CONTROL N.V.

Ta anuncia cu entrante 1 Januari 1994
Ms. E.F. OLIVIA SCHOLTEN
a wordo nombra como
General Manager
di nos compañía